

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
OPĆINA MAGLAJ
OPĆINSKO VIJEĆE

Broj: 02-05-1-1132/17
Datum, 10.05.2017.godine



Bosnia and Herzegovina
Federation of Bosnia and Herzegovina
ZENICA – DOBOJ CANTON
MAGLAJ MUNICIPALITY
MUNICIPAL COUNCIL

PREDMET: Dostava zaključaka .-

Dostavljamo vam usvojene zaključke Općinskog vijeća sa 6. redovne sjednice održane dana 10.05.2017.godine.

AD - 1. Informacija-Periodični finansijski izvještaj Budžeta/Proračuna Općine Maglaj za period 01.01.-31.03.2017. godine;

- Prima se k znanju Informacija-Periodični finansijski izvještaj Budžeta/Proračuna Općine Maglaj za period 01.01.-31.03.2017. godine.

Zaduženje: Služba za privredu, finansije i razvoj poduzetništva.

AD - 2. Prijedlog Program poticaja u poljoprivrednoj proizvodnji općine Maglaj za 2017. godinu;

Z A K L J U Č A K

2.1. USVAJA SE Program poticaja u poljoprivrednoj proizvodnji općine Maglaj za 2017. godinu, uz izmjenu u tekstu Programa – Briše se riječ «do» u stavu 3 odjeljka i posebnih kriterija po vrstama proizvodnje, tačka 1 animalna proizvodnja – proizvodnja sirovog kravljeg mlijeka.

Zaduženje: Služba za privredu, finansije i razvoj poduzetništva.

AD - 3. Prijedlog Programa utroška sredstava – poticaja u zapošljavanju mladih poduzetnika za 2017. godinu;

Z A K L J U Č A K

3.1. USVAJA SE Program utroška sredstava – poticaja u zapošljavanju mladih poduzetnika za 2017. godine uz sugestiju da se prilikom izrade teksta Programa za 2018.

godinu pokušaju uobziriti i razraditi kriteriji koji bi omogućili nastavak finansijske podrške dobitnicima poticajnih sredstava za 2017. godinu, ako se ocijeni da je opravdano.

3.2. Realizacija Programa treba da počne odmah.

3.3. Ovlašćuje se Općinski načelnik da imenuje Komisiju za praćenje Programa koju će sačinjavati predstavnici Službe, Biroa za zapošljavanje, Udruženja poduzetnika i udruženja mladih poduzetnika.

Zaduženje: Služba za privredu, finansije i razvoj poduzetništva.

AD – 4 . Informacija o stanju i načinu otpisa nenaplativih potraživanja fizičkih i pravnih lica;

- **Prima se k znanju Informacija o stanju i načinu otpisa nenaplativih potraživanja fizičkih i pravnih lica uz sugestije.**

Z A K L J U Č A K

4.1. Da se prije preduzimanja aktivnosti od strane Općinskog pravobranioca na obustavi izvršenja neuplaćenog duga kod izvršnih sudskih presuda u slučajevima kada je izvjesno da je to nemoguće učiniti iz određenih razloga prethodno dostavi spisak takvih lica i pravnih osoba Općinskom vijeću Maglaj sa navedenim razlogom nemogućnosti naplate duga.

Zaduženje: Općinska pravobraniteljica

AD - 5. Razmatranje Programa održavanja, sanacije i uređenja lokalnih i nekategorisanih puteva sa finansijskim pokazateljima za 2017. godinu, uz Izvještaj za 2016. godinu;

Z A K L J U Č A K

5.1. NE USVAJA SE Izvještaj o održavanju, sanaciji i uređenju lokalnih i nekategorisanih puteva za 2016. godinu.

5.2. Vraća se na doradu prijedlog Programa održavanja, sanacije i uređenja lokalnih i nekategorisanih puteva za 2017. godinu, odnosno potrebno je utvrditi prioritete zadatke, nakon čega će se Program razmatrati na narednoj sjednici Općinskog vijeća.

Zaduženje: Služba za urbanizam, geodetske i imovinsko pravne poslove, KJD Maglaj

AD - 6. Razmatranje Izvještaja o održavanju i sanaciji javne rasvjete sa finansijskim pokazateljima za 2016. godinu;

Z A K L J U Č A K

6.1. NE USVAJA SE Izvještaj o održavanju i sanaciji javne rasvjete sa finansijskim pokazateljima za 2016. godinu.

6.2. Daje se u zadatak Načelniku općine Maglaj, odnosno nadležnoj službi da prije kraja kalendarske 2017. godine pripremi i Vijeću dostavi na usvajanje Odluku o javnoj

rasvijeti na općini Maglaj, koja će biti usaglašena sa federalnim Zakonom o energetskej efikasnosti u Federaciji BiH.

Zaduženje: Služba za urbanizam, geodetske i imovinsko pravne poslove, KJD Maglaj

AD - 7. Razmatranje Programa održavanja javne higijene sa finansijskim pokazateljima za 2017. godinu, uz Izvještaj za 2016. godinu;

Z A K L J U Č A K

7.1. USVAJA SE Izvještaj o održavanju javne higijene sa finansijskim pokazateljima za 2016. godinu.

7.2. USVAJA SE Program održavanja javne higijene sa finansijskim pokazateljima za 2017. godinu.

7.3. Sugerije se Načelniku, odnosno KJD Maglaj da se prilikom realizacije programa na zimskom održavanju uobzire i saobraćajnice koje prolaze pored javnih ustanova, akcentirajući škole.

Zaduženje: Služba za urbanizam, geodetske i imovinsko pravne poslove, KJD Maglaj.

AD - 8. Razmatranje Programa održavanja javnog zelenila sa finansijskim pokazateljima za 2017. godinu, uz Izvještaj za 2016. godinu;

Z A K L J U Č A K

8.1. USVAJA SE Izvještaj o održavanju javnog zelenila sa finansijskim pokazateljima za 2016. godinu.

8.2 USVAJA SE Program održavanja javnog zelenila sa finansijskim pokazateljima za 2017. godinu.

Zaduženje: Služba za urbanizam, geodetske i imovinsko pravne poslove, KJD Maglaj.

AD - 9. Razmatranje Programa zbrinjavanja pasa lotalica sa finansijskim pokazateljima za 2017. godinu, uz Izvještaj za 2016. godinu;

Z A K L J U Č A K

9.1. USVAJA SE Izvještaj o zbrinjavanju pasa lotalica za 2016. godinu.

9.2. Vraća se na doradu prijedlog Programa zbrinjavanja pasa lotalica sa finansijskim pokazateljima za 2017. godinu.

Zaduženje: Služba za urbanizam, geodetske i imovinsko pravne poslove

AD - 10. Izvještaj o sufinansiranju projekata od javnog značaja u oblasti obrazovanja, kulture, sporta, socijalne zaštite, demografskog razvoja, NVO i UG za 2016. godinu;

AD - 11. Donošenje Programa sufinansiranja projekata od javnog značaja u oblasti obrazovanja, kulture, sporta, socijalne zaštite, demografskog razvoja, NVO i UG za 2017. godinu;

Z A K L J U Č A K

10.1. USVAJA SE Izvještaj o sufinansiranju projekata od javnog značaja u oblasti obrazovanja, kulture, sporta, socijalne zaštite, demografskog razvoja, NVO i UG za 2016. godinu.

11.1. USVAJA SE Program sufinansiranja projekata od javnog značaja u oblasti obrazovanja, kulture, sporta, socijalne zaštite, demografskog razvoja, NVO i UG za 2017. godinu.

11.2. Općinsko vijeće prihvata sugestije Komisije za obrazovanje, da utrošak sredstava ide transparentno po pitanju kulture, sporta i obrazovanja, da se javni pozivi obavezno objavljuju i u mjesnim zajednicama i da se pokuša pronaći način za sufinansiranje tradicionalnih maglajskih zanata.

11.3. Općinsko vijeće prihvata prijedlog Komisije za obrazovanje da u skladu sa mogućnostima pomognu školama u angažovanju psihologa (po principu logopeda), te nađe način da se poboljša saradnja JU Dom zdravlja Maglaj i obrazovnih institucija unutar općine Maglaj.

11.4. Općinsko vijeće prihvata sugestije Komisije za pitanje mladih i ravnopravnost spolova da prilikom donošenja kriterija za transfere iz Budžeta, a koji se tiču mladih ljudi, obavezno konsultuju Komisiju za pitanje mladih i ravnopravnost spolova.

11.5. Općinsko vijeće prihvata sugestiju Komisije za mlade i ravnopravnost spolova da se pronade mogućnost za stambeno zbrinjavanje mladih ljudi tj. da se ostvari saradnja sa bankama (Kreditna sredstva sa najmanjom kamatnom stopom, Općina garant).

11.6. Općinsko vijeće prihvata sugestije Komisije za mlade i ravnopravnost spolova da se prilikom organizovanja manifestacije „Studentsko ljeto“ po principu socijalnog dijaloga konsultuju i oni koji su svojim radom, uspjehom i karijerom doprinijeli renomeu ovakvog tipa kulturnog sadržaja.

Zaduženje: Služba za BiZ, opću upravu i društvene djelatnosti.

AD - 12. Izvještaj o utrošku transferisanih sredstava od koncesija u 2016. godini, realiziranim programima i visini uloženi sredstava;

Z A K L J U Č A K

12.1. Općinsko vijeće predloženi tekst USVAJA kao Program utroška sredstava od koncesija za 2017. godinu.

12.2. Zadužuje se Općinski načelnik, odnosno nadležna Općinska služba da sadržaj teksta prijedloga izvještaja utvrdi formalno-pravno uobličiti kao pravni akt: Program utroška od koncesija za 2017. godinu, a prije nego što bude objavljen u «Službenim novinama Općine Maglaj».

Zaduženje: Služba za urbanizam, geodetske i imovinsko pravne poslove

AD - 13. Prijedlog rješenja o izuzimanju neizgrađenog gradskog građevinskog zemljišta radi izgradnje saobraćajnice TC WISA – T-objekti u Maglaju;

Z A K L J U Č A K

13.1. USVAJA SE Rješenje o izuzimanju neizgrađenog gradskog građevinskog zemljišta radi izgradnje saobraćajnice TC Wisa – T objekti u Maglaju.

Zaduženje: Služba za urbanizam, geodetske i imovinsko pravne poslove

AD - 14. Prijedlog Odluke o usvajanju Plana djelovanja Centra za socijalni rad u vanrednim situacijama izazvanim prirodnim nesrećama;

Z A K L J U Č A K

14.1. Općinsko vijeće Maglaj daje saglasnost na Plan djelovanja Centra za socijalni rad u vanrednim situacijama izazvanim prirodnim nesrećama.

Zaduženje: Služba civilne zaštite, JU Centar za socijalni rad Maglaj.

AD - 15. Informacija o tekućim aktivnostima vezano za Groblje Borik;

- Prima se k znanju Informacija o tekućim aktivnostima vezano za groblje «Borik», uz napomenu da Općinski načelnik ima obavezu oformiti Savjet plana.

AD - 16. Nacrt Odluke o kućnom redu, upravljanju, održavanju i korištenju stambenih i stambeno – poslovnih objekata;

Z A K L J U Č A K

16.1. USVAJA SE Nacrt Odluke o kućnom redu, upravljanju, održavanju i korištenju stambenih i stambeno – poslovnih objekata.

16.2. Zadužuje se Služba za urbanizam, imovinsko pravne i stambeno komunalne poslove da provede javnu raspravu o tekstu Nacrta Odluke.

Određuje se 30 dana kao rok za provođenje javne rasprave.

Zaduženje: Služba za urbanizam, geodetske i imovinsko pravne poslove.

AD – 17. Informacija o realizaciji zaključaka 1-5 sjednice Općinskog vijeća;

- Prima se k znanju Informacija o realizaciji zaključaka 1-5 sjednice Općinskog vijeća.

AD - 18. Informacija o radu i planu upisa u osnovne i srednje škole na općini Maglaj:

- Osnovna škola «Maglaj» Maglaj
- «Prva osnovna škola « Maglaj
- Osnovna škola «Novi Šeher» Novi Šeher
- JU MSŠ Maglaj
- JU Gimnazija Maglaj.

- Informacija o radu i planu upisa u osnovne i srednje škole na općini Maglaj prima k znanju, uz predložene sugestije.

Z A K L J U Č A K

18.1. U oktobru 2017. godine planirati Tematsku sjednicu – obrazovanje i upisna politika na području općine Maglaj, uključiti sve relevantne faktore sa kantonalnog i ukoliko je potrebno i viših nivoa vlasti. Uključiti realni sektor, privrednike općine Maglaj, Biro za zapošljavanje, predstavnike škola, Službu za BiZ, opću upravu i društvene djelatnosti.

- 18.2. Općinsko vijeće podržava zaključke koje su zajednički potpisali direktori srednjih škola u Maglaju i koji će biti upućeni ka MONKS-u.
- 18.3. Ponoviti Inicijativu Općinskog vijeća Maglaj ka MONKS-u, a vezano za uvođenje obaveznog srednjeg obrazovanja po uzoru na druge kantone koji su to već uradili.
- 18.4. Komisija sugeriše Općinskom vijeću da se pokuša naći rješenje sa višim nivoima za problematiku manjka broja djece u osnovnim i srednjim školama, a prije svega da se riješi pitanje koje se odnosi na higijenu i pitku vodu unutar tih ustanova.

Zaduženje: Služba za BiZ, opću upravu i društvene djelatnosti.

AD - 19. Inicijativa za izmjenu naziva kino sale u Maglaju po prijedlogu Francuske ambasade.


ZAKLJUČAK

- 19.1. **USVAJA SE** Inicijativa Općinskog načelnika za pokretanje procedure konsultacija sa predstavnicima Francuske Ambasade u BiH o utvrđivanju naziva Kino sale, Doma kulture Maglaj po istaknutom francuskom umjetniku.
- 19.2. **Zadužuje se** Općinski načelnik da preduzme potrebne aktivnosti radi konsultovanja predstavnika Francuske Ambasade u BiH, te da nakon toga predloži odgovarajuće Odluke Općinskom vijeću na usvajanje i mjere za provođenje iste.

Zaduženje: Općinski načelnik, JU Dom kulture «Edhem Mulabdić».

DOSTAVLJENO:

1. Svim službama;
2. Općinsko pravobranilaštvo;
3. Arhiva



PREDSJEDAVAJUĆA OV,
Svjedana Zamboni